

## **ODLUKA**

**O PRIHVATANJU ZADUŽENJA PO SPORAZUMU O ZAJMU IZMEĐU BOSNE I  
HERCEGOVINE I SVJETSKE BANKE - MEĐUNARODNE BANKE ZA OBNOVU I  
RAZVOJ (IBRD) ZA PROJEKT PODRŠKE ZAPOŠLJAVANJU**

Na osnovu člana 40. stav 5. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09, 44/10 i 30/16) Parlament Federacije Bosne i Hercegovine je na sjednici Predstavničkog doma, održanoj 25.4.2017. godine, i na sjednici Doma naroda, održanoj 1.6.2017. godine, d o n i o

## ODLUKU

### **O PRIHVATANJU ZADUŽENJA PO SPORAZUMU O ZAJMU IZMEĐU BOSNE I HERCEGOVINE I SVJETSKE BANKE - MEĐUNARODNE BANKE ZA OBNOVU I RAZVOJ (IBRD) ZA PROJEKT PODRŠKE ZAPOŠLJAVANJU**

#### I.

Prihvata se zaduženje Federacije Bosne i Hercegovine (u daljnjem tekstu: Federacija) po Sporazumu o zajmu (u daljnjem tekstu: Sporazum) između Bosne i Hercegovine i Svjetske banke - Međunarodne banke za obnovu i razvoj (u daljnjem tekstu: IBRD) u iznosu do 29.447.500,00 EUR što iznosi cca 60% ukupno odobrenih sredstava za Bosnu i Hercegovinu koja iznose 50.000.000,00 EUR.

#### II.

Sredstva zajma iz tačke I. ove odluke koristit će se za finansiranje Projekta podrške zapošljavanja. Cilj Projekta je doprinos širem programu zapošljavanja, koji će se fokusirati na povećanje zaposlenosti i pristupu radnim mjestima jačanjem obima i pružanja usluga aktivnih mjera tržišta rada (ALMP) javnih službi za zapošljavanje.

#### III.

Sredstva zajma iz tačke I. ove odluke odobravaju se Federaciji pod sljedećim uvjetima:

- rok otplate (uključen grace period):.....32 godine,
- grace period:.....7 godina,
- pristupna taksa:.....0,25% godišnje,
- naknada za održavanja zajma.....0,25% godišnje,
- kamatna stopa:.....LIBOR (za euro) + varijabilni spread,
- dospijeća:.....polugodišnja,
- datumi plaćanja glavnice i kamata:.....15. maj i 15. novembar svake godine.

#### IV.

Potvrđuje se da je razmatrana dokumentacija prihvatljiva za Federaciju, a posebno:

- usaglašeni zapisnik sa pregovora;
- Sporazum o zajmu između Bosne i Hercegovine i IBRD;
- Federalni projektni sporazum zaključen između IBRD i Federacije;
- Dokument o procjeni Projekta program podrške zapošljavanju u Bosni i Hercegovini (PAD).

**V.**

U periodu implementacije Projekta u budžetu Federacije nije potrebno osigurati dodatna finansijska sredstva za sufinansiranje Projekta.

**VI.**

Daje se saglasnost za zaključivanje Supsidijarnog sporazuma o zajmu između Bosne i Hercegovine i Federacije za sredstva iz tačke I. ove odluke.

Za potpisivanje Supsidijarnog sporazuma ovlašćuje se federalni ministar finansija.

**VII.**

Za realizaciju ove odluke i izvještavanje zadužuju se Federalno ministarstvo finansija, Federalno ministarstvo rada i socijalne politike i Federalni zavod za zapošljavanje, svako u okviru svoje nadležnosti.

**VIII.**

Implementacija Sporazuma iz tačke I. ove odluke ne zahtijeva donošenje novih ili izmjenu postojećih zakona.

**IX.**

Ova odluka stupa na snagu narednog dana od dana objavljivanja u "Službenim novinama Federacije BiH".

PFBiH broj: 01,02-02-714/17  
Sarajevo, 1.6.2017. godine

**PREDSJEDAVAJUĆI  
PREDSTAVNIČKOG DOMA  
PARLAMENTA FEDERACIJE BiH**

Edin Mušić

**PREDSJEDAVAJUĆA  
DOMA NARODA  
PARLAMENTA FEDERACIJE BiH**

Lidija Bradara